



114
A4144



教則

第一則

故事 天神

天神者造化之主宰萬物憑其調理夫人亦
萬物之一雖承體於父母其在胎內父母莫
識其為男為女既生也耳目口鼻普應外物
而靈魂為之結構妙用自在自非主宰之調
理焉能如是哉血氣有教而盡故必有死唯
靈魂則復歸造化主宰處不湮不滅然則生

大正十一年四月
侯爵邸寄

憑 天神死尔憑 天神其恩天下至廣安
可不崇奉而敬事哉

天御中主神者自然而有古事記曰天御

生謂其自無象無聲古事記曰隱身謂為

萬始之始其功德至 天照太神集大成

主宰宇宙凡光輝之所及萬物莫弗生成

天照太神者主持太陽之神而非並指太陽也其德同一故合

稱 天神

第二則

順人倫之道

造化主宰之心至誠無息故生々萬物無間

斷人者萬物之靈具主宰之心以生其心誠

實無妄夫人之大倫有五曰君臣曰父子曰

兄弟曰夫婦曰朋友以誠心接五者而道自

生道者何也於君臣之際則忠惠於父子之

際則孝慈於兄弟之際則親睦於夫婦之際

則和順於朋友之際則信愛是也蓋其有條

理之可由而謂之人倫之道其第一誠而已

皇國君臣非他方君臣以義分者之比究其所原由天孫瓊杵尊降臨斯土之日天照太神勅天孫曰葦原一百秋之瑞德國是吾子孫可王之地宜爾皇孫就而治焉行矣寶祚之隆當與天壤無窮當此際天兒屋太玉天忍日諸神奉事天孫以贊成皇業爾來天孫之胤奕世紹皇業君臨萬姓萬姓之祖亦皆當時贊成皇業諸神如天兒屋命藤原氏之祖太玉命齋部氏

之祖天忍日命大伴氏之祖是也而推諸神之源莫非出於天神者然則天下者天皇之天下而非天下之天下萬姓之於皇室一源分派君臣而兼父子之親上下之能相親不忍睽離固出於其情之自然是皇國君臣一定不易者而君主專斷之治所由興也

第三則

祭祀祖先

人常慕吾父母而他人之父母則漠然無聞
於心何也吾父母以吾身之所本也父母死
而祭之者因其愛慕之心制之禮所以報本
也祭遠祖者所以體父祖之心報其所本之
本也夫父祖之靈陟在天子孫當祭祀之際
能竭誠敬之心則必感格洋洋乎在其上不
其左右故祭祀之禮以誠敬為本

天孫之尊、杵降臨下土也、天照太神
手持寶鏡授之曰、吾兒視此寶鏡當猶視

吾可共同殿共沐以為齋鏡昭、明訓祭
祀之道實始於此上下遵奉之豈可忽哉

第四則

各効其職

職者何也士農工商是也行其義則君有君
職臣有臣職其類
甚廣不可勝數人立於天地之間贊成造物之化育
者以効其所職也牛馬猶位重行遠効其所
職可以人而不如牛馬乎

第五則

莫作不善

不善謂殺傷竊盜妄言朋黨爭鬪媚嫉毒
之類人心固良然以血氣之軀情欲動為易
失其良心是以作不善天神照鑒無所不
在無所不到人能謹獨戒不善以保其良心
則天神賚之以慶福生則其身康寧死則
陟在天神左右若逞情欲遂不善則天
神遺棄之生則罹眾禍死則無所歸為依鬼
出于爾者及于爾其理豈有可疑哉然天

神之心固至公無私人能懲惡遷善或雖極
死若子若孫代竭誠謝罪於天神則天
神宥恕之不復思其舊惡也

